

**REDE DE PARQUES
NATURAIS DE
GALICIA**

O Invernadeiro

Ruta 1
Ruta do Valdeirexa ou dos Cercados

Media/Alta 2 h. 3 km Lineal a pé

Inicio/Fin: Casas da Ribeira Pequena

Parte a ruta da zona coñecida como Ribeira Pequena. A uns 200 metros está a estación meteorolóxica do espazo protexido. Pasados uns 100 metros aparece o cercado dos cervos e, camiñando 500 metros máis, chégase ao punto inicial de observación do cercado. Desde este punto, o ascenso continúa ata a cota máis alta da ruta: 1.223 metros, lugar onde se divisa unha boa panorámica de toda a Ribeira Pequena.

Collendo unha senda á esquerda a poucos metros chégase ao miradoiro das cabras, onde ademais do capturadeiro e comedeiros se poden contemplar exemplares de cabra bravas da especie *Capra pyrenaica victoriae*. O regreso realizase pola mesma senda.




Ruta 2
Ruta da Aceveda

Media 3,30 h. 8 km Circular a pé

Inicio/Fin: Casas da Ribeira Pequena

A ruta comeza nas casas da Ribeira Pequena. Pasa polos antigos viveiros de Papelera Española e ascende entre piñeirais, ata un miradoiro cunha boa vista do val do río Ribeira Pequena, para continuar ata o lugar coñecido como Casetas do Birlauto, preto do cal hai outro miradoiro. Percorre as partes altas da serra coñecida como Fial das Corzas. Despois de atravesar varias corgas (curso de auga do pouco caudal nunha pendente) que desembocan no río principal, cóllese unha senda á altura da Cabeza do Fuso que, entre un piñeiral, conduce ata unha plantación de acívros xusto ao lado do actual viveiro do Parque Natural, onde acaba a ruta.

Ruta 3
Ruta das Troitas

Baixa 1,5 h. 3,5 km Circular a pé

Inicio/Fin: Aula da Natureza

O percorrido iníciase na Aula da Natureza. Tomando a pista que comunica coa Ribeira Pequena, ata un pouco antes da ponte onde nos desviaremos á dereita polo sendeiro que discorre polo marxe do río Ribeira Grande, podendo apreciar a beleza do río e da vexetación de ribeira. A 1,5 quilómetros da Aula atopase o Centro Ictioxénico (laboratorio das troitas), onde se pode observar a infraestrutura necesaria para a súa captura e desove manual con fins educativos e para obter un maior número de alevíns. A volta cara a Aula realiza-se pola pista que ascende.




Ruta 4
Ruta da Auga

Baixa 1,5h. 4 km Circular a pé

Inicio/Fin: Aula da Natureza

Comeza na Aula da Natureza, nunha pista que leva ata ao encoro das Portas, o segundo máis grande de Galicia. Nunha encrucillada de camiños onde comeza o ascenso ao Pico da Ortiga (1.488 m), hai que tomar o desvío á dereita, sempre bordeando o cercado dos cervos. A uns 1.500 metros dende o inicio da ruta cóllese unha senda á dereita que, entre uces e piñeiros, leva ata o borde do río Ribeira Grande. Desde aquí o paseo continúa á beira das augas cristalinas encauzadas entre marabillosos exemplares de cerquiños, bidueiros e acívros, entre outras especies. Ao chegar á ponte principal que cruza o río, cóllese á dereita para despois dun breve ascenso, retornar ata a Aula, fin e inicio da ruta.



Ruta 5
Ruta da Corga

Alta 1,30 h. 2 km Circular a pé

Inicio/Fin: Aula da Natureza

Neste percorrido podemos chegarnos ata a Corga da Ortiga e gozar dunha fermosa vista do Val da Ribeira Grande.

A ruta ten dous tramos diferenciados o primeiro de dificultade alta, ascende á beira da corga e que por seguridade só se debe fazer subindo e outro tramo que pasa polo depósito de auga e as placas fotovoltaicas que é de dificultade media.

No caso de facela completa, ao inicio ascendemos por un sendeiro á beira da corga no que podemos apreciar o bosque de ribeira, e impresionantes fervenzas. No camiño de regreso á Aula da Natureza, podemos observar o depósito de auga que ten tres funcións: extinción de incendios, abastecemento de auga potable e para accionar a turbina hidráulica, xa no final da ruta atopamos a instalación fotovoltaica que proporciona enerxía eléctrica limpia e inesgotable.



Ruta 6
Ruta da Ortiga

Alta 7 h. 22 km Circular a pé

Inicio/Fin: Aula da Natureza

A ruta ascende pola zona sueste do espazo protexido dende unha cota de 930 metros na Aula da Natureza ata os 1.488 metros no Pico da Ortiga, situado a 11 quilómetros do inicio. Desde aquí contémplose unha espectacular paisaxe do Parque Natural e das serras de Queixa e de Manzaneda.

O retorno fai-se pola devasa límitrofe, onde é posible atopar exemplares e sinalas de diferentes especies de fauna, como corzo e cervo. Tras un forte descenso, unha pista chaira leva ata a pista inicial e ata a Aula da Natureza de novo.



Servizos:

Centro de Recepción do Parque Natural do Invernadeiro

Localización: Ribeira Pequena, s/n. 32547 Vilariño de Conso (Ourense).

Contactar antes: Tel. 988 386 376 - 988 386 029 servizo.conservacion.natureza.ourense@xunta.es

Visitas só con autorización previa.

Horario: Entrada para visitas autorizadas, de 9.00 a 11.30h Estancia ata as 17.30h ou 19.00h segundo a época do ano.

Visitas Seis itinerarios sinalizados. Observatorios de fauna (cercado de cervos e de cabras bravas).

Aula da Natureza

Localización: Ribeira Grande.

Visitas Dirixidas a grupos de escolares (mínimo 15 e máximo 58 participantes). O tempo máximo de estadía son 4 días, ampliables excepcionalmente a 7.

A Aula da Natureza conta con 2 dormitorios individuais e 2 colectivos (28 literas cada un) destinados a investigadores e estudiantes, sala de xogos, laboratorio-biblioteca, aula de proxeccións, enfermaría, comedor e cociña industrial.

A ter en conta:	URXENCIAS	SEPRONA	INCENDIOS
1. Deixa o vehículo nos aparcadoiros habilitados. 2. Usa o vehículo só nas estradas/camíños habilitados e modera a velocidade cando circules polo interior do Parque. 3. Arrincar flores e plantas está prohibido, ademais de poñer en perigo especies singulares. 4. Non molestes á fauna, non fagas ruido. 5. Infórmate dos permisos necesarios para acceder ao Parque ou para facer calquera ruta. 6. Antes de facer unha ruta, comproba a dificultade e o tempo que debes investir. 7. Planifica con detalle a túa visita, sobre todo se vas en grupo, e equípate convenientemente. 8. Visitas só con autorización previa; chama antes (Tel. 988 386 376 - 988 386 029) 9. Leva o móbil sempre coa batería cargada. 10. Camíña polos sendeiros habilitados. 11. Respecta a sinalización. 12. Precaución coas enxentes dos cursos de auga. 13. Precaución ao pisar pedras e troncos cando están molidos xa que son moi escorregadizos. 14. Non está permitida a acampada libre nin pasar a noite con caravanas. 15. Fai un uso responsable do lixo; se non hai coletores, lévalo contigo ata que atopes un. 16. Non está permitido o baño fóra das zonas habilitadas. 17. Respecta as propiedades privadas. 18. Usa as áreas recreativas. 19. Esta prohibido prender lume. 20. Excepto casos concretos, está prohibida a caza e a pesca. Consulta a normativa de cada Parque Natural. 21. Avisa ao persoal do Parque ante calquera incidencia. (Tel. 988 386 376 - 988 386 029)	112	062	085

Parque Natural do Invernadeiro

